



BLOQUE
NACIONALISTA
GALLEGO

OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Mercedes Queixas Zas, Montserrat Prado Cores e Iria Carreira Pazos, deputadas do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, en demanda dun novo Centro de Saúde en Sada.

EXPOSICIÓN DE MOTIVOS

O Centro de Saúde de Sada (A Coruña) foi inaugurado no ano 1990 e a súa construción estivo envolta nunha gran polémica xa que a parcela estaba situada nun lugar inaccesible para a poboación maior ou con dificultades de mobilidade.

Tres décadas despois a realidade social e demográfica do concello de Sada mudou significativamente. Segundo os datos que ofrece o IGE, mentres que no ano 1990 Sada contaba con 8.796 habitantes, a 1 de xaneiro de 2020 o censo de poboación case dobrou até os 16.186.

Ademais do incremento poboacional tan relevante e da mala ubicación do actual Centro de Saúde, a localidade de Sada precisa de máis e mellores servizos sanitarios porque a poboación estacional en períodos vacacionais supera os 25.000 habitantes.

O goberno da Xunta de Galiza presentou recentemente o Plan de infraestruturas sanitarias aprobado no Consello da Xunta do 29 de outubro de 2021.

Nese Plan, que prevé a mellora e construción de Centros de Saúde en Galiza, non se menciona Sada nin aparece iniciativa ningunha que poida dar cumprimento a ese obxectivo nin resposta ás necesidades de atención sanitaria deste concello.





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

O Plan Xeral de Ordenación Municipal de Sada, aprobado o 29 de novembro de 2017, contempla unha nova parcela de equipamento sanitario onde poder construír un novo Centro de Saúde ampliado e accesible, en terreos situados entre o campo de fútbol Andrés Pena e o IES Isaac Díaz Pardo.

A Consellería de Sanidade ten coñecemento desta necesidade e tamén de que existen terreos a disposición para ubicar este equipamento sanitario, polo que entendemos que, segundo demanda e nos traslada a sociedade sadense, se deberá incluír nese plan de infraestruturas a construción dun novo Centro de atención primaria, con maior capacidade que o actual e mellor ubicado, de maneira que sexa accesible para toda a poboación.

Por estes motivos fórmulanse as seguintes preguntas para resposta escrita:

. É consciente o goberno do acrecentamento poboacional da vila de Sada (A Coruña) nos últimos anos?

. Coñece o goberno as dificultades de accesibilidade do actual Centro de Saúde para a poboación maior ou con dificultades de mobilidade?

. Por que non está incluída a construción dun novo Centro de Saúde en Sada no Plan de infraestruturas sanitarias recentemente aprobado polo Consello da Xunta?

. Dialogou o goberno galego co goberno municipal sadense para valorar a dispoñibilidade de espazo que ofrece o Plan Xeral de Ordenación Municipal de Sada para a construción deste Centro de Saúde?

. Prevé atender e incorporar o goberno da Xunta esta demanda veciñal?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Santiago de Compostela, 14 de decembro de 2021

Asdo.: **Mercedes Queixas Zas**
Iria Carreira Pazos
Montserrat Prado Cores
Deputadas do G.P. do BNG

Asinado dixitalmente por:

Mercedes Queixas Zas na data 14/12/2021 16:30:42

Iria Carreira Pazos na data 14/12/2021 16:30:45

María Montserrat Prado Cores na data 14/12/2021 16:30:54

